



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՄԵՐԻԿԱՅԻ ԱՐԵՄՍՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
H.E. ARCHBISHOP MOUSHEGH MARDIROSSIAN, PRELATE
Tel: 818-248-7737/8, Fax: 818-248-7745
E-mail: Prelacy@aol.com Website: www.westernprelacy.org



Հ.Յ.Դ. ԱՐԵՄՍՏԵԱՆ ՇՐՋԱՆԻ ԿԵԴՐ. ԿՈՄԻՏԵԻ ՆԵՐԿԱՅԱՑՈՒՑԻՉՆԵՐ ԱՅՑԵԼԵՑԻՆ ԱՌԱՋՆՈՐԴ ՍՐԲԱԶԱՆԻՆ

Հ.Յ.Դ. Միացեալ Նահանգներու Արեւմտեան Շրջանի Կեդրոնական Կոմիտէին ներկայացնող պատուիրակութիւն մը, գլխաւորութեամբ Կ. Կոմիտէի ներկայացուցիչ Տիար Ալետիք Իգմիրլեանի, Երեքշաբթի, 24 Յունիսի երեկոյեան այցելութիւն մը տուաւ Ազգային Առաջնորդարան եւ ընդունուեցաւ Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեանի կողմէ: Պատուիրակութիւնը եկած էր Առաջնորդ Սրբազանը շնորհաւորելու չորրորդ քառամեակի մը համար Առաջնորդ իր վերընտրութեան առիթով:

Հանդիպումին մասնակից եղան Ազգային Վարչութեան անդամները: Առաջնորդ Սրբազանին ու Ազգ. Վարչութեան ընտրութիւնը շնորհաւորելէ ետք, Տիար Ա. Իգմիրլեան անդրադարձաւ Ազգ. Առաջնորդարանի ու ժողովականութեան առաքելութեան եւ մաղթեց, որ յառաջիկայ փուլին, Առաջնորդ Սրբազանն ու Ազգ. Վարչութիւնը իրենց ժողովրդանուէր առաքելութիւնը իրականացնեն բազմապատկեալ կորովով ու մեր ժողովուրդին աճող կարիքներուն հասնելու կամքով:

Ողջունելով պատուիրակութիւնը, Առաջնորդ Սրբազանը շնորհակալութիւն յայտնեց շնորհաւորական արտայայտութիւններուն մասին, ապ անդրադարձաւ Ազգ. Առաջնորդարանի ու անոր հովանիին տակ տարուող աշխատանքներուն ու ապագայի ծրագիրներուն: Ան յատուկ կերպով կանգ առաւ Նոր սերունդի հոգեմտաւոր դաստիարակութեան պահանջներուն վրայ, որոնք կը հոգացուին մէկ կողմէ՝ երիտասարդական միութեանց ու միւս կողմէ՝ մեր վարժարաններուն ու կիրակնօրեայ դպրոցներուն ճամբով: Խորհրդակցութեան նիւթ եղան յատկապէս երիտասարդութեան ու ընդհանրապէս մեր ժողովուրդին դիմագրաւած այժմեական հարցերը եւ անոնց դարմաններ գտնելու միջոցները:

Ողջոյնի խօսք արտասանեց Նաեւ Ազգ. Վարչութեան ատենապետ Տոքթ. Կարօ Յակոբեան, որ իր կարգին, անդրադարձաւ Ազգային հաստատութեանց ու միաւորներու միջեւ գործակցութեան դաշտերուն ու զանոնք աւելի եւս զարգացնելու միջոցներուն:

Հետեւեցաւ մտերմիկ զրոյց, որուն աւարտին, Առաջնորդ Սրբազանը 7 Յունիս Միւռնօրինէքը խորհրդանշող յուշանուէրներ յանձնեց հիւր պատուիրակութեան անդամներուն:

Սօտաւորապէս մէկ ժամ տեւած հանդիպումը վերջ գտաւ սերտ գործակցութիւնը շարունակելու եւ զայն աւելի եւս խորացնելու պատրաստակամութեան արտայայտութեամբ:

DELEGATION FROM THE A.R.F CENTRAL COMMITTEE VISITS THE PRELACY

On the evening of Tuesday, June 24th, a delegation from the A.R.F. Central Committee visited the Prelacy where they were welcomed by H.E. Archbishop Moushegh Mardirossian, Prelate, and Executive Council members. They delegation, which was headed by Mr. Avedik Izmirlian, had come to congratulate the Prelate on his re-election to a fourth term.

After congratulating the Prelate and Executive Council on their elections, Mr. Izmirlian conveyed his wishes for the successful realization of the future endeavors of the Prelacy and Councils in their mission to provide for the needs of our community.

The Prelate greeted the members of the delegation and outlined the work that is carried out by the Prelacy and committees functioning under its jurisdiction. The Prelate put special emphasis on the needs of our youth, which are being provided for by the Prelacy youth groups, day schools and Sunday schools, the challenges facing our youth and community in general and means in which to overcome them.

Remarks were also offered by Executive Council Chairman Dr. Garo Agopian who spoke of the collaboration that exists between the various community organizations and of ways to develop and enhance that cooperation.

The meeting concluded with the Prelate presenting the guests with mementos from the Blessing of Holy Muron.